

**Peqqinnissaqarfiup immikkoortuini pinngitsaaliisummik iliuuseqarnernik nalunaarsuiviit  
nalunaarsukkallu, pinngitsaliilluni iliuutsinik nalunaarsuineq nalunaarutiginninnerlu, kiisalu  
uninngavimmit angerlartitaanermut atatillugu isumaqatigiissusiorneq ataqatigiissaakkallu  
pileraarusiorneq pillugit Namminersorlutik Oqartussat nalunaarutaat nr. 18, 2. december  
2013-imeersoq**

Tarnimikkut nappaatilinnik nammineersinnaajunnaarsitsineq allatigullu pinngitsaaliisummik  
iliuuseqarneq pillugu Inatsisartut Inatsisaanni nr. 24-mi, 3. december 2012-imeersumi § 14, imm. 2,  
§ 15, imm. 2, kiisalu § 30, imm. 2, naapertorlugit aalajangersarneqarput:

## **Kapitali 1**

*Pinngitsaaliisummik iliuuseqarnernik nalunaarsuiviit nalunaarsukkallu  
Pinngitsaaliisummik iliuuseqarnernik nalunaarsuiviit*

**§ 1.** Peqqinnissaqarfiup immikkoortuini tarnimikkut nappaatillit uninnganerannut  
katsorsartinnerannullu atatillugu nammineersinnaajunnaarsitsiviusinnaasuni allatullu  
pinngitsaaliisummik iliuuseqarfiusinnaasuni, pinngitsaaliisummik iliuuseqarnernut  
nalunaarsuveqassaaq.

*Imm. 2.* Inatsisartut Inatsisaanni §§ 5-10, §§12-13, § 17, §§ 19-22, § 24, naapertorlugit immikkut  
nakutigineqarnernut ataannartumik nal. ak. 24 sinnerlugit sivisussusilinnut § 26-mullu  
tunngatillugu pinngitsaaliisummik iliuuseqarnernik nalunaarsuivimmut pinngitsaaliinikkut  
iliuuseqarnerit suulluuniit pillugit paasissutissat ilanngunneqassapput. Tamanna Inatsisartut  
Inatsisaanni § 23 naapertorlugu nakorsaasiinernut tamanut aamma atuupoq.

**§ 2.** Pinngitsaaliisummik unitsitsisoqarnerani pinngitsaaliisummillu  
tigummigallagassanngortitsinermi pinngitsaaliisummik iliuuseqarnernut nalunaarsuiffimmut  
ilanngunneqassapput:

- 1) Napparsimasup aqqa inuttullu normua.
- 2) Nammineersinnaajunnaarsitsinerup sivisussusaa.
- 3) Nammineersinnaajunnaarsitsinermut tunngavilersuutaasoq.
- 4) Nakorsap nammineersinnaajunnaarsitsinermi akisussasausuusup aqqa.
- 5) Nammineersinnaajunnaarsitaanerup kingorna ullut pingasut, qulit, 20-t, 30-lu qaangiunnerini,  
nammineersinnaajunnaarsitaanerlu atuutsillugu, tamatuma kingorna minnerpaamik sap. ak.  
sisamakkaarlugit naliliivigineqarnerata kingunera.
- 6) Nakorsaanerup naliliisup aqqa.

**§ 3.** Qimaasup/takkutinngitsoortup pinngitsaaliisummik utertitaanerani pinngitsaaliisummik  
iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Ulloq politiit ikiortigalugit napparsimasup utertinneqarnissaanik aalajangerneq.
- 3) Nakorsaanerup aalajangiisup aqqa.

**§ 4.** Pinngitsaaliisummik katsorsaanermi, pinngitsaaliisummik iliuuseqarnernut  
nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Katsorsaanerup suunera qanorlu annertutiginera.
- 3) Pinngitsaaliisummik katsorsaanermut tunngavilersuut.

- 4) Nakorsaanerup nakorsaasiisup aqqa.
- 5) Nakorsap najuuttup aqqa.

**§ 5.** Angerlartitaareernermermi pinngitsaaliissummik malittarineqarnermi, pinngitsaaliissummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Ulloq angerlartitaaffik.
- 3) Ulloq angerlartitaareernermermi pinngitsaaliissummik malittarininnissamik aalajangiivik.
- 4) Ulloq Inatsisartut Inatsisaanni § 17, imm. 6, naapertorlugu pinngitsaaliissummik malittarininnerup sivitsorneqarnissaanik aalajangiiffik.
- 5) Katsorsaanerup suunera annertussusaalu.
- 6) Angerlartitaareernermermi pinngitsaaliissummik malittarininnissamut tunngavilersuut.
- 7) Nakorsaanerup inassuteqartuuusup aqqa.
- 8) Taamaatitsineq.

*Imm . 2. Inatsimmi § 17, imm. 3, naapertorlugu napparsimasup aaneqarnissaanik nakorsaaneq aalajangiippat, pinngitsaaliissummik iliuuseqarnernut nalunaarsuiffimmut ilanngunneqassapput:*

- 1) Ulloq nakorsaanerup napparsimasumik aallernissamik aalajangiivia.
- 2) Nakorsap nakorsaasiisup aqqa.
- 3) Ulloq politit ikiortigalugit unitsitaanermi, peqqinnissaqarfip immikkoortortaqarfia pinngitsaaliissummik nakorsaatitortinneqarfik.
- 4) Peqqinnissakkut sullisisup najuuttup aqqa.

**§ 6.** Pinngitsaaliissummik aalaakkiinermi pinngitsaaliissummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliissummik iliuuseqarnerup suunera annertussusaalu.
- 3) Pinngitsaaliissummik iliuuseqarnermut tunngavilersuut.
- 4) Ulloq pinngitsaaliissummik iliuuseqarfik taamaatitsivillu.
- 5) Nakorsap nakorsaasiisup aqqa.
- 6) Sulisut akuusut aqqi .
- 7) Ulloq Inatsisartut Inatsisaanni § 31, imm. 5, naapertorlugu nakorsap nutaamik naliliivia.
- 8) Inatsisartut Inatsisaanni § 31, imm. 5, naapertorlugu nakorsap nutaamik naliliisup aqqa.

**§ 7.** Nukersorfiginninnermi, pinngitsaaliissummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliissummik iliuuseqarnerup suunera annertussusaalu.
- 3) Pinngitsaaliissummik iliuuseqarnermut tunngavilersuutit, tassunga ilanngullugit sulisut akuusut tunngavilersuutaat.
- 4) Ulloq pinngitsaaliissummik iliuuseqarfik taamaatitsivillu.
- 5) Nakorsap nakorsaasiisup/najuuttup aqqa.
- 6) Sulisut akuusut aqqi.

**§ 8.** Napparsimasoq illersorniarlugu pinngitsaaliissummik aalaakkiinermi, pinngitsaaliissummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Napparsimasoq illersorniarlugu aalaakkiinerup qanoq ittuunera.
- 3) Napparsimasoq illersorniarlugu aalaakkiinermut tunngavilersuut.

- 4) Napparsimasoq illersorniarlugu aalaakkiinerup atorneqarsinnaaffia.
- 5) Nakorsap inassuteqartuusup aqqa.
- 6) Inatsisartut Inatsisaanni § 31, imm. 4, naapertorlugu nammineersinnaajunnaarsitaanerup kingorna ullut pingasut, qulit, 20-t, 30-lu qaangiunnerini, tamatumalu kingorna nammineersinnaajunnaarsitaancq atuutsillugu minnerpaamik sap. ak. sisamat qaangiunnerini naliliivigineqarnerata kingunera.

**§ 9.** Inatsisartut Inatsisaanni § 24 naapertorlugu immikkut nakkutiliinermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup aqqa inuttullu normua.
- 2) Pinngitsaaliisummik immikkut nakkutiliisitsinissamut tunngavilersuut.
- 3) Ulloq pinngitsaaliisummik nakkutiliilerfik taamaatitsivillu.
- 4) Nakorsap nakorsaasiisup aqqa.

**§ 10.** Inatsisartut Inatsisaanni § 26 naapertorlugu immikkoortortat immikkut parnaarneqarsinnaasut ilanngullugit matunik parnaarsinermi, pinngitsaaliisummik iliuuseqarnernut nalunaarsuiffimmut ilanngunneqassapput:

- 1) Napparsimasup immikkoortortami parnaagaasumiittup aqqa inuttullu normua.
- 2) Matunik parnaarsinermut tunngavilersuut.
- 3) Ulloq matunik parnaarsivik tamatuminngalu atorunnaarsitsivik.
- 4) Nakorsap nakorsaasiisup aqqa.

**§ 11.** Pinngitsaaliisummik iliuuseqarnernut nalunaarsuiffimmut ilanngussat allattugaatinu nalunaarsugassaapput.

*Imm.* 2. Pinngitsaaliisummik iliuuseqarnernut nalunaarsuiffinnik suliaqarnermi, pinngitsaaliisummik iliuuseqarnermut nalunaarsuiffimmi allagaqaatip ilanngunneqarnisssaa innersuussutigineqassaaq. Pinngitsaaliisummik iliuuseqarnermut nalunaarsukkat assilineri allattugaatinut ilanngunneqassapput.

**§ 12.** Napparsimasoq pinngitsaaliisummik iliuuseqarnernut nalunaarsuivinni imminut tunngasunik paasiniaanissamut pisinnaatitaaffeqarpoq.

*Imm.* 2. Napparsimasumut siunnersortissangortitaasimasoq imm. 1-imi taaneqartumut tunngatillugu taamatulli pisinnaatitaaffeqarpoq.

## Kapitali 2

*Angerlartitaanermut atatillugu isumaqtigiissutit ataqtigissaarinermullu pilersaarutit  
nalunaarsorneqarnerat*

**§ 13.** Inatsisartut Inatsisaanni § 14 naapertorlugu angerlartitaanermut atatillugu isumaqtigiissusiornermi makku nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffik angerlartitaaffillu.
- 3) Angerlartitaanermut atatillugu ulloq isumaqtigiissutip atuutilersinneqarfia atorunnaarsinneqarfialu.
- 4) Nakorsap nakorsaasiisup aqqa.

**§ 14.** Inatsisartut Inatsisaanni § 15 naapertorlugu ataqtigissaakkamik pilersarusiornermi makku nalunaarsorneqassapput:

- 1) Napparsimasup aqqa inuttullu normua.
- 2) Ulloq unitsitaaffia angerlartitaaffialu.
- 3) Ulloq ataqtigiaissaakkamik pilersaarusrusiorfik.
- 4) Nakorsap nakorsaasiisup aqqa.

**§ 15.** Angerlartsitaanermut atatillugu isumaqtigiissutinik ataqtigiaissaarinermullu pilersaarutinik immikkoortortami nalunaarsuinermi, napparsimasoq pillugu allattugaatin taama nalunaarsuisimaneq innersuussutaassaaq. Nalunaarsukkat assilineri allattugaatinut ilanngunneqassapput.

*Imm. 2.* Napparsimasumut tunngatillugu nalunaarsukkanik paasiniaanissaq napparsimasup pisinnaatitaaffigaa.

### **Kapitali 3** *Nalunaaruteqartarneq*

**§ 16.** Dronning Ingridip Napparsimmavissuani tarnimikkut nappaatilinnut immikkoortortaqarfimmi nakorsaneq iliuuserisanik §§ 2-10-mi , §§ 13-14-imilu pineqartunik, Nunatsinni Nakorsaneqarfimmut nalunaaruteqartassaaq.

*Imm. 2.* Peqqissutsumut Pitsaliuinerollu Aqutsisoqarfimmut aamma nalunaaruteqartoqartasaaq.

**§ 17.** Nalunaarutiginninneq § 16, imm. 1 aamma 2-mi pineqartoq, §§ 2-10-mi, §§ 13-14-imilu paassisutissanik piumasaqaatigineqartunik imaqassaaq.

### **Kapitali 4** *Atuutilersitsineq*

**§ 18.** Nalunaarut atuutilersinneqarpoq 16. december. 2013.

*Namminersorlutik Oqartussat, ulloq 2. december 2013*

Steen Lyngs

/

Ann Birkekeer Kjeldsen